

潛江縣志卷之二

知縣事劉煥纂修

知縣事史致謨續刊

天官志

分野 災祥

太史公志天官言二十八舍主十二州唐僧一行曰星之於土以精氣相感而不繫乎方隅其占測以山河為限而不主乎州國稽分野以察祲祥馮相保章氏之辨可弗備與蕞爾潛於楚為駢枝乃其地通荆蜀直接上游亦中原重邑參諸五事驗厥庶徵天垂象見吉凶

潛江縣志

卷之二

天官志 分野

三

占測感應星土相麗之故尺土皆所不遺作天官志

分野

史記天官書吳楚之疆候在熒惑占於鳥衡

正義曰熒惑鳥衡皆

南方之星故吳楚之占候也鳥衡柳星也

列國分野楚地翼軫之分壘今之南郡江夏零陵桂陽武陵長沙及漢中汝南郡後陳魯屬焉

石氏星經南宮赤帝其精朱鳥翼翻軫尾皆麗於巳在天北斗二星主楚分

皇甫謐帝王世紀自張十八度至軫十一度曰鶉尾之

次於辰在巳謂之大荒落於律爲夷則斗建在申今爲

楚國分野

爾雅邢昺疏僧一行志魏陳卓書蔡邕月令章句起張終軫俱同

象緯考自張十七度至軫十一度爲鶉尾於辰在巳楚

之分野屬荊州

費直起張十三度蔡邕起張十二度

翼軫楚荊州

南郡入翼十度

皇明通紀

志南郡入翼十度正德二年卿雲見於翼

軫世宗肅皇帝誕降斯土入繼大統占者曰此楚分楚也

按邑應翼軫當鶉尾之次省志云自襄陽宜城南漳

潛江縣志

卷之二

天官志分野

七

歷荆承二郡西盡三峽東盡竟陵析以岳之華容東

境皆古南郡地凡入翼十度漢天文志翼軫星曰鶉

尾朱熹註楚詞鶉鳥無尾以翼爲尾魏太史令陳卓

曰南郡入翼十度春秋元命苞曰軫散爲荊州今志

所稱星應蓋統荆楚云

災祥

元成宗元貞二年潛江水

順帝至正九年七月潛江大水

以上據荆志收

明天順二年水決高家壩湮縣治流爲東河

成化六年七月白汭決一千餘丈

成化二十二年大饑遣侍郎舉行縣議賑募民出粟至二千石者予官

正德十一年丙子水大饑人相食

嘉靖元年壬午八月水決柘林垸尋衝西城浸縣治

官民騎屋以免知縣敖鉞念秋災不過九月特疏

于朝得從輕派

詳見牧民奏議載藝文志

嘉靖四年乙酉秋大熟漢漲漂沒民無以生知縣周

延疏于朝獲免租

疏載藝文志

潛江縣志

卷之二

天官志
災祥

三

嘉靖七年戊子旱民食土石

嘉靖二十五年丙午水決東河隄入縣治往來以舟

嘉靖二十六年丁未夏大火自巳至申焚民居大半

死者數人

嘉靖二十八年己酉漢決沙洋邑西南洪濤數百里

民盡轉徙

嘉靖二十九年庚戌沙洋又決

嘉靖三十一年壬子江決黃潭沙洋並漲漂田廬萬

數

嘉靖三十二年癸丑夏五月大雨至六月民訛言
嘉靖三十四年乙卯冬十二月地震有聲自西來
嘉靖二十八年己未六月夜雨泥七月園竹盡華
嘉靖三十九年庚申夏秋大雨高下盡沒歲大稔
嘉靖四十年辛酉正月大雪至於三月民大饑殍相
枕于道冬地震

嘉靖四十一年壬戌春大疫

嘉靖四十三年甲子冬十月桃李華有實

隆慶元年丁卯築沙洋隄下流夜汙隨決

潛江縣志 卷之二 天官志 災祥 无

萬曆初年大水破護城堤有鐘影影有聲浮來止于

大佛寺門

萬曆元年癸酉四月大火日數發五旬內市民露宿

以避

萬曆六年戊寅冬大雪彌月地裂

萬曆八年庚辰夏五月夜汙水大漲沒禾七月復漲

決白鶴寺大浸稽天經旬不消歲大饑野有殍

萬曆十一年癸未四月漢水大漲城潰壞官民廬舍

萬數

萬曆十三年乙酉水

萬曆十四年丙戌八月十五夜深江站隄决民居林

木盡汨為淵

萬曆十五年丁亥水

萬曆十六年戊子大饑斗米百錢民有殍

萬曆十九年辛卯夏大旱

萬曆二十二年甲午旱

萬曆二十五年丁酉八月河水震盪池井俱溢

萬曆二十七年己亥十一月大火西北城樓燬

潛江縣志

卷之二

天官志
災祥

三

崇禎六年癸酉大饑村民周肖河等聚眾搶奪旋捕
殺之

國朝

順治七年庚寅春地震

順治十八年辛丑民譌傳雞兩翼生足殺之盡

康熙四年乙巳元旦日無光二月初彗再見旋沒百

秋之交星晝見

康熙六年丁未五月楊萬屯營隄决

康熙七年戊申七月二十五日夜地震

康熙十年辛亥西城內居民吳姓家有一物自屋上墜下其形似龜有兩翅不能飛頭有一角四足如人指色如羊所以刀刺之不能入其殼非骨非肉以足踐之有聲似雄鴨

康熙十一年壬子班家灣決撼我城孺民居蕩析盡

康熙十一年壬子十月虎至西城大佛寺

康熙十五年丙辰元旦大霧四塞晦冥竟日

康熙十八年己未新豐堤李漢口俱決歲大饑

潛江縣志

卷之二

天官志
災祥

三

溺死無算

康熙二十八年己巳歲大饑安陸府同知鄭潤中署縣事奉檄賑救躬詣各鄉村設粥給米民得實惠全活者萬數

康熙三十年辛未桃李華

康熙三十一年壬申元旦日食移時復

康熙三十一年壬申二月自襄流至縣河四十餘里水半赤半清經旬日始復故